



NAMANGAN VILOYATI MINGBULOQ TUMANI HOKIMINING QARORI

2024-yil 2-iyul

322-6-81-Q/24

Mingbuloq tumani hokimligi

Namangan viloyati hokimining 2024-yil 27-iyundagi “O‘zbekiston Respublikasi Prezidentining “Oliy ta’lim tashkilotlariga o‘qishga qabul qilish va davlat buyurtmasini joylashtirish tizimini takomillashtirish to‘g‘risida” 2024-yil 24-maydagi PF-81-son Farmoni ijrosini ta’minlash haqida” 278-6-0-Q/24-sonli qarori to‘g‘risida.

Namangan viloyati hokimining 2024-yil 27-iyundagi “Oliy ta’lim tashkilotlariga o‘qishga qabul qilish bo‘yicha davlat buyurtmasini shakllantirish va davlat granti ajratish mexanizmlarini takomillashtirish, yoshlarning sifatli ta’lim olishlari uchun mavjud shart-sharoitlarni yaxshilash, kadrlar tayyorlashni iqtisodiyotning rivojlanayotgan tarmoq va sohalariga manzilli yo‘naltirish hamda viloyatda O‘zbekiston Respublikasi Prezidentining “Oliy ta’lim tashkilotlariga o‘qishga qabul qilish va davlat buyurtmasini joylashtirish tizimini takomillashtirish to‘g‘risida” 2024-yil 24-maydagi PF-81-son Farmoni ijrosi haqida” 278-6-0-Q/24-sonli qarori ijrosini ta’minlash maqsadida, O‘zbekiston Respublikasi “Mahalliy davlat hokimiyati to‘g‘risida”gi Qonunining 6 va 25-moddalariga asosan,

QAROR QILAMAN:

1. Namangan viloyati hokimining 2024-yil 27-iyundagi “O‘zbekiston Respublikasi Prezidentining “Oliy ta’lim tashkilotlariga o‘qishga qabul qilish va davlat buyurtmasini joylashtirish tizimini takomillashtirish to‘g‘risida” 2024-yil 24-maydagi PF-81-son Farmoni ijrosi haqida” 278-6-0-Q/24-sonli qarori asos va amalda bajarish uchun qabul qilinsin.

2. O‘zbekiston Respublikasi Prezidentining 2024-yil 24-maydagi PF-81-son Farmoni bilan:

Oliy ta’lim tashkilotlarida kadrlar tayyorlash bo‘yicha davlat buyurtmasini shakllantirish va joylashtirish bo‘yicha o‘rnatilayotgan tartibga ko‘ra:

a) 2024/2025-o‘quv yili qabulidan boshlab:

davlat buyurtmasi parametrlarini davlat oliy ta’lim muassasalari kesimida taqsimlash amaliyoti bekor qilinib, bakalavriat ta’lim yo‘nalishlari va magistratura mutaxassisliklari bo‘yicha kunduzgi ta’lim shaklida tasdiqlash tartibi joriy etilishi, bundan oliy harbiy va harbiylashtirilgan ta’lim muassasalari mustasnoligi;

davlat buyurtmasi bo‘yicha kvotalar taqsimotida muhandislik, tibbiyot, aniq va tabiiy fanlar bilim sohalariga ustuvorlik berilganligi;

davlat oliy ta'lim muassasalari uchun o'rnatilgan tartib va shartlar bo'yicha talabalar qabulini amalga oshiruvchi oliy ta'lim tashkilotlariga davlat buyurtmasining taqsimotida ishtirok etishga ruxsat etilganligi;

Bunda tegishli bakalvriat ta'lim yo'nalishi bo'yicha bir talaba uchun ajratiladigan mablag' moliyaviy mustaqillik berilgan davlat oliy ta'lim muassasalarida bir talaba uchun to'g'ri keladigan o'rtacha xarajat miqdoridan oshmagan hajmda moliyalashtirilishi;

davlat granti kvotalarining oliy ta'lim tashkilotlari kesimida taqsimoti tegishli bakalvriat ta'lim yo'nalishi bo'yicha ro'yxatdan o'tgan abituriyentlarning tanlovi va to'plagan ballariga ko'ra amalga oshirilishi;

oliy ta'lim tashkilotlari moddiy-texnika bazasi, professor- o'qituvchilari tarkibi va o'quv-metodik ta'minotiga muvofiq, keyingi o'quv yili uchun o'z qabul parametrlarini shakllantirishi hamda Oliy ta'lim, fan va innovatsiyalar vazirligiga taqdim etishi;

Oliy ta'lim, fan va innovatsiyalar vazirligi oliy ta'lim tashkilotlari qabul parametrlari asoslilikini o'rganishi hamda ularni O'zbekiston Respublikasi ta'lim tashkilotlariga qabul qilish bo'yicha davlat komissiyasiga (keyingi o'rinlarda – Davlat komissiyasi) kiritishi;

Davlat komissiyasi oliy ta'lim tashkilotlari, ta'lim shakllari va tillar kesimida bakalvriat ta'lim yo'nalishlari bo'yicha umumiy qabul parametrlarini, imtiyozga ega abituriyentlar uchun qo'shimcha qabul parametrlarini, maqsadli qabul kvotalarini hamda magistratura mutaxassisliklari qabul parametrlarini davlat granti va to'lov- kontraktga ajratgan holda oliy ta'lim tashkilotlari va tillar kesimida tasdiqlab, Bilim va malakalarni baholash agentligiga taqdim etishi;

b) 2024/2025-o'quv yilidan boshlab har bir ta'lim yo'nalishi bo'yicha oliy ta'lim tashkilotining umumiy qabul parametriga nisbatan davlat granti kvotasining ulushi ta'lim sohalari (bakalvriat ta'lim yo'nalishlari) kesimida Davlat komissiyasi tomonidan tasdiqlanishi;

v) 2025-yildan boshlab davlat buyurtmasi parametrlari Iqtisodiyot va moliya vazirligi, Kambag'allikni qisqartirish va bandlik vazirligi tomonidan shakllantiriladigan oliy ma'lumotli kadrlarga bo'lgan talab prognoziga muvofiq ravishda 4 yillik davr uchun tasdiqlanishi;

Oliy ta'lim, fan va innovatsiyalar vazirligi, Iqtisodiyot va moliya vazirligi hamda "Ta'lim sohasidagi loyihalar markazi" loyiha ofisining 2024/2025-o'quv yilidan boshlab oliy ta'lim tashkilotlari talabalariga davlat grantini ijtimoiy-rag'batlantiruvchi grant va ta'lim granti shaklida ajratish to'g'risidagi taklifi ma'qullanganligi;

a) ijtimoiy-rag'batlantiruvchi grant qonunchilikda belgilangan imtiyoz bo'yicha davlat granti asosida va maqsadli qabul doirasida talabalikka qabul qilingan talabalarga, shuningdek, tarmoq va sohalarning, davlat organlari va tashkilotlarining grantlari sohiblari uchun ajratilishi;

b) ta'lim granti davlat buyurtmasi parametrlari doirasida oliy ta'lim tashkilotiga qabul qilingan talabalar uchun ajratilishi;

v) 2024/2025-o'quv yilidan boshlab bakalvriat va magistraturaga qabul qilingan talabalarga ta'lim granti bir o'quv yili uchun ajratilishi;

Bunda:

ta'lim granti birinchi kursda oliy ta'lim tashkilotlariga ajratilgan davlat buyurtmasi kvotasiga muvofiq kirish imtihonlarida yuqori ball to'plagan talabalarga ajratilishi;

ta'lim granti ikkinchi va undan keyingi kurslarda yuqori akademik reyting ko'rsatkichlariga erishgan va ijtimoiy faol talabalar orasida oliy ta'lim tashkilotlari tomonidan tabaqalashtirilgan tartibda qayta taqsimlanishi;

ta'lim granti tabaqalashtirilgan tartibda moliyalashtiriladi va stipendiya faqat to'liq ta'lim grantini yutgan talabalarga to'lanishi;

ijtimoiy-rag'batlantiruvchi grant sohibi bo'lgan talabalarga davlat granti ularning o'qish davri uchun to'liq hajmda taqdim etilishi;

ta'lim granti asosida tahsil olgan talabalarning o'qishni tamomlaganlaridan so'ng kamida 3 yil ishlab berish majburiyati bekor qilinishi belgilanganligi;

magistratura mutaxassisliklari va oliy ta'limdan keyingi ta'lim ixtisosliklariga qabul qilishda xorijiy tilni bilish darajasini belgilovchi milliy yoki xalqaro sertifikatlar quyidagi darajalarda talab etilishi belgilanganligi:

xorijiy tillar yo'nalishlari bo'yicha - kamida C1 darajasida;

gumanitar, biologik va turdosh fanlar, matematika va statistika, biznes va boshqaruv, huquq, xizmat ko'rsatish, ijtimoiy va xulq-atvorga mansub fanlar, jurnalistika va axborot, axborot-kommunikatsiya texnologiyalari ta'lim sohalari bo'yicha - kamida B2 darajasida;

boshqa ta'lim sohalari hamda madaniyat va sport mutaxassisliklari (ixtisosliklari) bo'yicha - kamida B1 darajasida;

2024/2025-o'quv yilidan boshlab davlat oliy va professional ta'lim muassasalariga (kasb-hunar maktabi bundan mustasno) qabul qilish bo'yicha imtihonlar "avval test, so'ng tanlov" tamoyiliga muvofiq bir vaqtda o'tkazilishi belgilanganligi;

Belgilanishicha:

imtihonsiz qo'shimcha davlat granti asosida talabalikka tavsiya etish uchun asos bo'luvchi imtiyozga ega abituriyentlar Davlat komissiyasining qaroriga asosan ta'lim shaklidan qat'i nazar, ro'yxatdan o'tishda imtiyoz amal qiladigan doirada tanlagan birinchi bakalavriat ta'lim yo'nalishiga qo'shimcha davlat granti asosida o'qishga qabul qilinishi;

alohida qabul parametrlari doirasida tanlovda ishtirok etish uchun asos bo'luvchi imtiyozga ega abituriyentlar (nogironligi bo'lgan shaxslar hamda "Mehribonlik" uylari, bolalar shaharchalari, SOS - bolalar mahallalari va oilaviy bolalar uylarining bitiruvchilari bo'lgan yetim bolalar, shuningdek, vasiylikka, homiylikka yoki oilaga tarbiyaga olingan (patronat) yetim bolalar (yigirma besh yoshga to'lmagan) bundan mustasno) ular uchun ajratilgan alohida qabul parametrlari doirasida, tanlagan birinchi bakalavriat ta'lim yo'nalishi bo'yicha tanlovda ishtirok etishi;

alohida qabul parametrlari doirasida tanlovda qatnashib, talabalikka tavsiya etilmagan abituriyentlar ro'yxatdan o'tishda tanlangan bakalavriat ta'lim yo'nalishlari bo'yicha umumiy tartibda tanlovda ishtirok etishi;

xalqaro sport musobaqalari g'oliblari jismoniy tarbiya va sport sohasidagi bakalavriat ta'lim yo'nalishlariga sport turlarining soha bo'yicha mos kelishiga qat'iy rioya qilingan holda imtihonsiz qo'shimcha davlat granti asosida o'qishga qabul qilinishi;

imtiyoz bilan davlat granti asosida talabalikka tavsiya etilgan abituriyentga ushbu imtiyozdan takroran foydalanishga ruxsat etilmasligi;

ikkinchi va undan keyingi oliy ta'lim to'lov-kontrakt asosida amalga oshiriladi, shuningdek, oliy ta'limning tegishli bosqichiga davlat granti asosida o'qishga qabul qilingan talabaga ikkinchi marta ta'limning ushbu bosqichi uchun davlat granti ajratilmasligi;

oliy ta'lim muassasalari, oliy harbiy va harbiylashtirilgan ta'lim muassasalari hamda harbiy-akademik litseylarga o'qishga kirishda imtiyozga ega bo'lgan abituriyentlarning yagona bazasi har yili 1-iyunga qadar manfaatdor vazirlik va idoralar tomonidan Bilim va malakalarni baholash agentligining maxsus axborot tizimiga kiritish orqali shakllantirib borilishi; Oliy ta'lim, fan va innovatsiyalar vazirligi "Ta'lim sohasidagi loyihalar markazi" loyiha ofisi bilan birgalikda uch oy muddatda:

ta'lim grantini oliy ta'lim tashkilotlari talabalariga tabaqalashtirilgan tartibda bir o'quv yili uchun ajratish tartibini belgilovchi Hukumat qarori loyihasini;

hududlar, sohalar va tarmoqlarning oliy ma'lumotli kadrlarga bo'lgan ehtiyojini ta'minlash uchun maqsadli qabul kvotalarini shakllantirish, qabul jarayonlarini tashkil

etish va kadrlar buyurtmachilarining aniq vazifalarini nazarda tutuvchi Hukumat qarori loyihasini;

qonunchilik hujjatlariga Farmondan kelib chiqadigan o'zgartirish va qo'shimchalar yuzasidan takliflarni Vazirlar Mahkamasiga kiritishi belgilab qo'yilganligi ma'lumot uchun qabul qilinsin.

3. Viloyat hokimining mazkur qarori bilan, Iqtisodiyot va moliya bosh boshqarmasi (Z.Baxriddinov), Oliy ta'lim, fan va innovatsiyalar boshqarmasi (A.Gaffarov), Kambag'allikni qisqartirish va bandlik bosh boshqarmasi (Z.Ikramov), Ijtimoiy ximoya milliy agentligi viloyat boshqarmasi (I.Xojiyev) O'zbekiston Respublikasi Prezidentining "Oliy ta'lim tashkilotlariga o'qishga qabul qilish va davlat buyurtmasini joylashtirish tizimini takomillashtirish to'g'risida" 2024-yil 24-maydagi PF-81-son Farmoni talablari asosida ish tashkil etishi ma'lumot uchun qabul qilinsin.

4. Mazkur qaror ijrosini nazorat qilish tuman hokimining o'rinbosari J.Raximov zimmasiga yuklansin.

Tuman hokimi



N.Xudoyberdiyev